



100017, Toshkent sh., Istiqlol ko'chasi, 29-uy
Tel.: (998 71) 239-15-69, 239-12-52, Faks: (998 71) 244-56-43

29, Istiqlol street, Tashkent, 100017
Tel.: (988 71) 239-15-69, 239-12-52, Fax: (998 71) 244-56-43



01/03-05-32/199
12.04.2022 й.

Қорақалпоғистон
Республикаси Вазирлар
Кенгаши Раиси, вилоятлар,
Тошкент шаҳар, туманлар
ва шаҳарлар ҳокимлари

Давлат молиявий назорати
инспекцияси ҳудудий
бошқармалари

Туман ва шаҳар
молия бўлими ҳамда
ғазначилик бўлинмалари

Ўзбекистон Республикаси Президентининг 2022 йил 28 январдаги ПФ-60-сонли Фармонига асосан тасдиқланган "2022-2026 йилларга мўлжалланган Янги Ўзбекистоннинг тараққиёт стратегияси"нинг 21-мақсадига мувофиқ - ҳар бир туман ва шаҳар бюджетлари маблағларининг белгиланган миқдорларини "Фуқаролар бюджети"га йўналтириш орқали аҳолининг таклифлари асосида жойлардаги долзарб муаммоларни ечишга сарфланишига алоҳида эътибор қаратилган.

Жумладан, ҳар бир туман (шаҳар) бюджетининг 5 фоиз маблағлари ҳамда қўшимча маблағларининг камида 30 фоизи "Фуқаролар ташаббуси жамғармаси"га йўналтирилиши ҳамда "Очиқ бюджет" ахборот порталида жамоатчилик томонидан келиб тушган ҳамда фуқаролар томонидан долзарб деб топилган лойиҳаларни молиялаштириш учун йўналтирилиши белгилаб қўйилган.

Ташаббусли бюджет жараёнининг 2022 йил феврал-март ойларида ўтказилган мавсуми доирасида туман (шаҳар) бюджетлари ҳисобидан жами 1,1 трлн сўмдан ортиқ маблағлар йўналтирилиб, фуқаролар томонидан 69 700 та лойиҳалар илгари сурилган ҳамда 6,7 миллиондан ортиқ (республика жами аҳолисининг 19 фоизи) овозлар берилган.

Ажратилган маблағлар доирасида овоз бериш жараён якунларига кўра, республика бўйлаб жами **2 215 та** лойиҳалар "Очиқ бюджет" ахборот портали орқали автоматик равишда "ғолиб" деб топилди.

Бундан ташқари, фуқароларнинг фаол иштирокини қўллаб-қувватлаш ҳамда илгари сурилган лойиҳаларда акс эттирилган долзарб муаммоларни қисқа муддатларда бартараф этиш мақсадида **Ўзбекистон Республикаси Президентининг 2022 йил 7 апрелдаги ПҚ-197-сон** "Туман ва шаҳар бюджетлари маблағларини жамоатчилик фикри асосида шакллантирилган тадбирларга йўналтириш жараёнларида фуқароларнинг иштирокини янада қўллаб-қувватлаш тўғрисида"ги қарори қабул қилинди.

Қарорга кўра, 2022 йилнинг феврал-март ойлари давомида ўтказилган ташаббусли бюджет жараёнларида ҳар бири **2 мингдан** ортиқ жами 480 минг овоз тўплаган, лекин ғолиб деб топилмаган **139 та** лойиҳаларни амалга ошириш учун қўшимча равишда **85,4 млрд сўм** маблағ ажратилиши белгиланди. Натижада, "ғолиб" деб топилган лойиҳалар сони **2 354 тани** ташкил этиб, ушбу лойиҳаларни молиялаштириш учун ажратилган маблағлар миқдори **1,2 трлн сўмга** етди.

Қабул қилинган қарорга мувофиқ,

Қорақалпоғистон Республикаси Вазирлар Кенгаши Раиси, **вилоятлар, Тошкент шаҳар, туманлар ва шаҳарлар ҳокимлари** ташаббусли бюджет жараёнлари бўйича **ғолиб деб топилган** лойиҳаларда белгиланган ишларни **тўлиқ ва сифатли** амалга оширилиши, **ўз вақтида молиялаштирилишини** назорат қилиш учун **шахсан масъул этиб белгиланди;**

жамоатчилик фикри асосида шакллантирилган тадбирларни бажарилиши юзасидан Қорақалпоғистон Республикаси Вазирлар Кенгаши Раиси, вилоятлар, Тошкент шаҳар, туманлар ва шаҳарлар ҳокимларининг ҳисоботларини Олий Мажлис Сенатида **ҳар чорак якунида эшитиб бориш** амалиёти жорий этилди.

Шу билан бирга, **ҳисобот йили якуни бўйича** Молия вазирлиги ҳузуридаги **Давлат молиявий назорати инспекцияси** жамоатчилик фикри асосида шакллантирилган тадбирларни бажарилишини **яқуний назоратдан ўтказиши** белгилаб қўйилди.

Шу муносабат билан, юқорида келтирилган **фармон ва қарорлар ижросини сифатли ва ўз вақтида ижросини таъминлаш** мақсадида:

а) туман (шаҳар) молия бўлимлари:

ғолиб деб топилган лойиҳаларни амалга ошириш юзасидан буюртмачи ташкилотларни аниқлаш бўйича **манзилли рўйхат** шакллантирилишини ҳамда Халқ депутатлари туман (шаҳар) Кенгашига тасдиқлаш учун киритилишини;

ғолиб деб топилган ҳар бир лойиҳа учун буюртмачи ташкилотларга "401722..." маблағлар манбаси билан алоҳида ҳисобварақлар очган ҳолда тегишли маблағларни ўтказиб бериш бунда, порталда "ғолиб" деб топилмаган бошқа лойиҳаларни молиялаштирилишига йўл қўймаслик;

лойиҳани амалга ошириш бўйича буюртмачи ташкилотлар томонидан лойиҳа-смета хужжатларини ишлаб-чиқиш бўйича ишларни ташкиллаштиришни назоратга олиш;

лойиҳа смета хужжатларини ишлаб чиқилишида, лойиҳа амалга ошириш дастлабки қийматидан келиб чиқиб амалга ошириладиган ишлар ҳажмини суний равишда кўпайтириш ёки камайтириш ҳолатларига йўл қўйилишини олдини олиш чораларини кўриш;

ишлаб чиқилган лойиҳа смета хужжатлари асосида ишларни амалга ошириш бўйича пудратчи корхоналарни аниқлашда Давлат харидлари тўғрисидаги қонунга мувофиқ белгиланган тартибда танловларни ўтказиш ҳамда ушбу жараёнларни барча босқичларини жамоатчилик ҳамда лойиҳа ташаббускорлари иштирокида ўтказилишини таъминлаш;

шартномаларни қисқа муддатларда расмийлаштирган ҳолда пудратчи корхоналарга бўнак тўловларини тўлаб берилишини назоратга олиш, ҳамда пудратчи томонидан шартномада кўрсатилган ишлар бажарилган (товар ёки хизматлар етказиб берилган) ҳолдагина тўловларни қолган қисмини амалга оширилишини алоҳида назоратга олиш;

лойиҳада кўзда тутилган тадбирларни сифатли тарзда амалга оширилиши (товар ёки хизматларни харид қилиниши) ни назоратга қилиш ҳамда бажарилган ишларни лойиҳа ташаббускорлари иштирокида қабул қилиб олиншини таъминлаш;

буюртмачи ёки пудратчи корхоналар томонидан қонунчиликда белгиланган хатти-харакатлар кузатилиши ёки қонунбузилиш ҳолатлари кузатилганда тезкорлик билан чоралар кўриш, жумладан Давлат молиявий назорат инспекциясининг ҳудудий бошқармаларига муружаат қилинишини таъминлаш вазифалари юклатилади.

б) туман (шаҳар) ғазначилик бўлинмалари "Фуқаролар ташаббуси жамғармаси" маблағлари бўйича:

шартномаларни рўйхатдан ўтказишда Давлат харидлари тўғрисидаги қонунга талабларига қатъий риоя этилганлиги юзасидан дастлабки ва жорий назоратни амалга ошириш;

тақдим этилган шартномаларни "Очиқ бюджет" ахборот порталида ғолиб деб топилган лойиҳалар мазмунига кўра мутаносиблигини ўрганиш ҳамда лойиҳада назарда тутилмаган тадбирлар учун харажатларни амалга оширмаслик (масалан; ишлар амалга оширилгандан сўнг шаклланган қолдиқ маблағларга канцтоварлар харид қилиш ва ҳоказолар);

ғазначилик орқали "Очиқ бюджет" ахборот порталида ғолиб деб топилмаган лойиҳаларни молиялаштириш бўйича ҳар қандай молиявий операцияларни чеклаш;

бажарилган ишлар учун тўловларни амалга оширишда тақдим этилган хужжатларни ҳаққонийлиги юзасидан жорий назорат ўтказиш ҳамда бажарилмаган (етказиб берилмаган товар ёки хизматлар) учун тўловларни амалга ошириш бўйича қайд этилган ҳолатлар юзасидан *Давлат молиявий назорат инспекциясининг ҳудудий бошқармаларига* хабар бериш;

қонунчиликда белгиланмаган бошқа мақсадларга сарфланиши ҳолатлари (*маблағларни тижорат банкларига депозитга жойлаштириш, ягона ғазна ҳисобварағига тиклаш ва бошқалар*) кузатилганда тегишли ҳисобварақлар бўйича барча операцияларни тўхтатиб туриш ҳамда юқори турувчи молия органларини хабардор қилиш чораларини кўриш вазифаси юклатилади.

с) **Давлат молиявий назорат инспекциясининг ҳудудий бошқармалари:**

"фуқаролар ташаббуси жамғармаси"га маблағларни ўз вақтида ўтказилишини мониторинг қилиб бориш, туман (шаҳар) бюджети кўшимча маблағларини фуқаролар бюджети учун ажратилиши лозим бўлган қисмини **бошқа мақсадларга йўналтириш** ҳолатларини назорат қилиш;

жамғарма маблағларидан белгиланган тартибда сарфланишини ҳар чорак якунларига кўра тизимли равишда **мониторинг қилиб бориш**;

ҳисобот йили якуни бўйича жамоатчилик фикри асосида шакллантирилган тақдирларни бажарилишини **якуний назоратдан ўтказиш** ҳамда **аниқланган ҳолатлар** юзасидан умумлаштирилган маълумотларни Молия вазирлигига тақдим этиб бориш вазифаси юклатилади.

Шунингдек, "2022-2026 йилларга мўлжалланган Янги Ўзбекистоннинг тараққиёт стратегияси"да кўзда тутилган топшириқларни ўз вақтида ва сифатли ижросини таъминлаш **туман (шаҳар) ҳокимликлари томонидан** юқорида қайд этилган ҳолатларни алоҳида назоратга олган ҳолда ташаббусли бюджет жараёнларини ўтказишда ҳудудий ваколатли органлар томонидан турли аралашувларга йўл қўймаслик ҳамда ғолиб деб топилган лойиҳаларни қисқа муддатларда ҳамда сифатли тарзда амалга оширилиши бўйича тизимли чоралар кўрилиши тавсия этилади.

Вазир



Т. Ишметов



Жиззах вилояти Зомин тумани Ташаббусли бюджет лойиҳаси орқали ғолиб бўлган Кўча чироқларини ўрнатиш ёки таъмирлаш (трансформатор, симёгоч ўрнатиш) тадбирлари бўйича хужжатларига техника топширик.

1	Бюртмачи	Зомин тумани Ободонлаштириш бошкармаси
2	Лойиҳа ташкилоти	Энг яхши тақдирларни танлаб олиш савдолари орқали аниқланади
3	Ўзларгачи	Энг яхши тақдирларни танлаб олиш савдолари орқали аниқланади
4	Лойиҳа учун асос	Ташаббусли бюджет -ID: 0470600039
5	Қурилиш тури	Кўча чироқларини ўрнатиш ёки таъмирлаш (трансформатор, симёгоч ўрнатиш) тадбирлари
6	Объектнинг жойлашган ўрни	Жиззах вилояти Зомин тумани Гулшан М.Ф.Й
7	Ишларни ишлаб чиқиш муддати	Шартномага асосан
8	Қурилиш ишларининг бошланishi	танлов ғолиби аниқланиб олинган 15% тўлов амалга оширилиши билан бошланishi шарт
9	Қурилиш ишларининг тугатилиши	2022 йил 31 - декабрдан
10	Йўлнинг асосий кўрсаткичлари	Zomin tumani Gulshan qishlog'ining barcha ko'chalari'ga xotirgich chiroqlari o'ttash hamda chiroq'ardan ortgan pu' mablag'lariga stavbalag o'ttash
11	Алоҳида талаблар	Давлат стандартлари
12	Смета хужжатларига талаблар	Ишлар смета хужжатлари асосида қилиниши шарт.
13	Стандартларига рив қилини талаблари	Давлат стандартлари ва талабларига мувофиқ бажарилиши шарт
14	Топшириш ва қабул қилини талаблари	Ишлар 100% бажарилгандан сўнг қолган 85% фонзи тўлаб берилди ва бажарилган ишлар лойиҳа ташаббускорлари орқали қабул қиланади.